

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsiobasotho.co.ls

E fenekeletsa
Tota



B'a
sekisetsoa



O fana
ka tharollo



IEC E TSEKA TOKOMANE



5

www.moeletsiobasotho.co.ls



+266 28 350 466/

+266 6260 0983 WhatsApp

newsroom@moeletsiobasotho.co.ls

#PARARE DOMINO PLEBEM PERFECTAM

KETEKELO EA LILEMO TSE MAKHOLO A
MABELI SECHABA SA BASOTHO SE THEILOE

MOELETSI

Lihoai khutlang

ka sekahahla

Success is not about being better than others

So many times if not our entire life we spend thinking our so called success should be measured against other people's misfortune. This notion turns our world into a place where sharing happiness is foreign but envy becomes the order of the day. We are unable to share in each other's success as we see each other as rivals other than compatriots. We are made to want

to compete even when there's no compensation. A million Maloti question should be, what is success? Success is being able to complete any task given to us having given it our all, this is irrespective of the position obtained either by us or others. Success is just about our abilities, these not measured against anything or anyone. We can look at the person who may have attained the highest mark or have a better car than everyone, then we ask, is

this the best the person would have done? If not that person isn't successful, he only worked to be better than others. Our aim when we attempt any task shouldn't have any person in mind but being the best we could at that time, upon the completion we should ask ourselves if we could have done any better, if our answer in no then we are successful. This should never have to be measured against anybody's failure or success.



Teboho Matjeka
63574502/58911803

Basotho ba fumane karabo eo esale ba theha meriti mabapi le lipeo le menontša, hobane Letona la Temo, Kanetso ea Lijo le Phepo e Nepahetseng le fane ka tlhaloso mabapi le tlhokeho ea tsona. Le bolela hore ka selemo sa 2022 ha ba qala ho kena pusong, moo ho neng ho bolokoa lipeo le menontša matlong a 'muso ho ne ho se letho ho hang. Ka hona ba ile ba tlameha ho qalella ho bokeletsa hore ho be le letho, 'me ka lehlohonolo ba atlehile ho reka thepa ho mohlalisi ka kotloloho ka hoo literekeng ho na le thepa eo lihoai li ka e fumanang. O itse lihoai tsohle tse tlang ka bonngoe li ka atamela ho fumana thepa molemong oa temo ea Lehlabula, empa ba tlang ka bongata bona ba tla lokisetsoa letsatsi.

Ho feta moo lekala le tšoanang le ntse le tšohla temo ea ka metsing, e leng leruo la litlhapi e ka thusang ho nyolla moruo oa naha. Ntle le moo e ka boela ea thusa phepong e nepahetseng haholo baneng bao ha joale litlaleho li supang ba haelloa ke phepo. Temo ena e ka boela ea thusa naha tlhahisong ea mesebetsi e tla fokotsa bofuma bo aparetseng Lesotho.

Moparamente ea Mokha oa se Secha Sebapali (UFC) o iphumana a le ka moo thakali e fatelang kaha mokha oa habo o re o tsoile tumellano tlaase. Mokha o re o lokela ho tšehetsa 'muso paramenteng, empa eena o bontša a e-na le tokelo ea ho etsa seo a se ratang haholo ha se le molemong oa sechaba. Lebaka leo a tšelelseng ka bohanyetsing ke hobane a bone ho le molemo ho etsa joalo, 'me litho tsa mokha oa habo ho shebahala li mamela moetapele leha a etsa se sa lokelang. Ka hona mokha o hlahletse nyeoe Lekhotle-ling la Motheo hore moparamente eo o itelekile ka ho hlanohela puso a tšehetsa bohanyetsi.

Batho ba nang le bokooa ba etsa boipiletso ho 'muso ho se ba sekisetse mabapi le kabo ea mesebetsi hobane le bona ba hloka ho phela joaloka mang le mang. Lipalo-palo lefatše ka bophara li supa ha karolo e kholo ea bona ehlile e le tsietsing ea ho hloka mesebetsi, ka hona Lesotho le lokela ho lokisa 'me le tsoe kahar'a lenane la linaha tse joalo. Ho feta moo batho bana ba re 'muso o shebahala o sa ba shebe ka leihlo le le-ntle, kaha mafapha a mang leha a ka nyolelloa chelete bona ba tloisoa mahlo holimo. Ha se lekhetlo la pele ba teka taba ena, 'me potso ke hore na e ka ba e tla arabeloa ha e le neng?

Lekhotla la Puso ea Sechaba (DC) le re 'muso o sitisa maparamente ho etsa mesebetsi oa ona ka ho koala paramente kamora tlaleho ea bohareng ba lichelete. Le re ha ho na ho ba bobebe ho tla abela makala chelete selemong se tlang ho sa tsebahale hore na a sebelitse joang nakong e fetileng. Ntle le mona hona tlalehong eo ho na le linyeoe tse fetang 200 tsa bobolu ba lichelete tse lokelang ho tšohloa 'me ho nkoe likhato. Hape matona a hlahellang a sa sebelisa chelete e abetsoeng makala a bona ba lelekoe hobane ba hlotsoe ke mesebetsi. Ho ile ha sebetsoa ka thata hore ho fetsoe molao o reng matona a se ke a hoeba le 'muso empa ba o hana hobane ona matona a etsa ketso eo.

Tse ling li hloka tšehetso

Basotho ba re ho pheta mehlala ke ho belaela.

Ke rata ho pheta taba ea hore Sekolo sa Mathomo ke lelapa la bobeli kholisong ea ngoana ea se kenang. Ke lelapa le lokisetsang Morena Molimo sechaba se mo lokelang. Ke moo ngoana a lokelang ho rutoa ho tseba Molimo, ho mo rata le ho mo sebeletsa, hape ke moo ngoana a

qalang ho rutoa bohlale, 'me qaleho ea bohlale ke ho tšaba Molimo. Ngoana ea sa tšabeng Molimo o fetoha nyamatsane. "Ruta ngoana tsela ea ho phela, h'a holile a ke ke a fapoha." (Maele 21:6)

Ke pheta hape hore ke Sekolo sa Mathomo se rutang ngoana ho bala, ho ngola, ho mamela, ho hlompha, ho ikokobetsa, ho mamella, ho bapala le ho ba makhethe.

Sekolo sa Mathomo se tšoana le sefate sa feiee, "Ea hlokomelang fate sa feiee, o tla ja tholoana tsa sona." (Maele 27:18) Mohoebi ea atlehleng, o fihletse katleho hobane a ile a rutoa lithuto tsa mathomo ke Sekolo sa Mathomo. O sebeletsoa ke basebetsi ba rutuoeng Likolong tsa Mathomo. Le lefapha la tšireletso (security company) leo sepheo sa lona e leng ho

tšireletsa sechaba le thepa ea sona, ha le sebetse ka basebetsi ba sa tse-beng ho bala le ho ngola.

Litaba tsena li matlafatsa taba-kholo ea hore Likolo tsa Mathomo li bohlokoahali 'me li lokela ho tšehetsoa. Koranteng ena ke qholotsa bahoebi bohle mona Lesotho ho hlokomela lifate tsa feiee (Likolo tsa Mathomo tseo ba ahisaneng le tsona, tse ba lokisetsang basebetsi ba tsebang ho bala, ho ngola le ho hlompha), hore ba tle ba je litholoana tsa tsona ka lipelo tse thabileng. Tšehetso e tsoelang pele ea bahoebi ho tsona e etsa hore kamehla ha ho hlokahala, ba lule ba fumana basebeletsi ba nang le motheo o tsitsitseng, ba tsebang ho bala le ho ngola hantle, e le ho holisa likhoebo tsa bona.

'Mabathoana Khotle

Contacts: +266 28350 466 / 6260 0983 (Whats app)
Email: moeletsioabasotho@gmail.com



Editorial

Lesoetsa Rakubutu (Editor)
(+266) 58490670 / 62031949
editor@moeletsioabasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsioabasotho.co.ls

Newsroom

Nthabeleng Seithleko 57 665 038/ 68 216 721
nthabeleng.seithleko@moeletsioabasotho.co.ls

Tšeliso Thakholi (Sports) 58 540 853/ 63 480 404
tseliso.thakholi@moeletsioabasotho.co.ls

newsroom@moeletsioabasotho.co.ls

Advertising

Thabo Lesaana
(+266) 28 350 466/ sales@moeletsioabasotho.co.ls

Production Desk
'Mateele Liqa

E fenekeletsa Tota likobo molaleng

Nthabeleng Seitlheko

Mokha oa se Secha Sebapali (UFC), o khethela batho ho ba tsamaisa kamoo ba ratang ka teng, hoo le ha 'muso o sa sebetse hantle ba ratang hore ea paramenteng a sebetse le bona empa taba e se lehlakoreng la sechaba. Tsena li boletsoe ke setho sa UAT, paramenteng, Mohlominyane Tota, puisanong le Koranta ka mohala ka la 5 Loetse monongoaha.

O re seo a se bonang ke hore litho tsa UFC li tšaba moetapele hoo e reng leha a fosa e be ba lumellana le taba eo, ba sa natse hore na eena o bona litaba joang paramenteng. O re liketsahalo tse teng kahar'a UAT tsa ho tsekisoa setulo paramenteng li ipakeloa ke litsekisano le likhula-khu-

lano. O re taba ena ha ea nepahala kaha e ama tšebetso ea hae paramenteng etsoe a e-na le bolokohi ba ho sebetsa le batho ba bang haholo moo a utloang a khona teng.

O re khale a leka ho sebetsa le lehlakore la puso empa ha ho khonahale ke

ka hoo a lulang bohanyetsing kaha e le hona moo a sebetsang a phutholohile.

Ho sa le joalo Baahloli ba bararo ba Lekhotla la Molao oa Motheo, ba tla fana ka kahlolo isao ha lekhotle buloa, mabapi le nyeoe e hlahletsoeng ke UFC, e reng le phatlalatsa mopara-

mente oa eona, Mohlominyane Tota ea keneng ka khekhetane paramenteng, a itelekile ka ho hlanohela puso a ea ka bohanyetsing, ka la 2 Tšitoe monongoaha.

Tota o hlalositse lekhotlela hore setulo se tsekoang ke mokha oa habo, ke seo Komisi e Ikemetseng

ea Likhetho (IEC), e se abetseng mokha oa habo ka lebaka leo, ho fetola setulo paramenteng ha ho bolele ho tšela, e bile ha se mohlolo ka eena, mokha oa Basotho Action Party o ile oa fetola litulo lehlakoreng la bohanyetsi ho ea ho la puso.



Majara o khothaletsa bonngoe

Nthabeleng Seitlheko

Justice Nthomeng Majara o khothalelitse bonngoe le kopano mafapheng a tšireletso. O boletse tsena, h'a bula thupelo ea moralo oa Afrika oa kamor'a ho bopa khotso le poelano litabeng tse ha-

tikelang litokelo tsa mantlha tsa botho. Tsena li bile ka la 2 Tšitoe monongoaha.

O re Naha ea Lesotho e kahar'a bolutu, liqhobeshano le likarohano tse tlišitsoeng ke lipolotiki. A re Basotho ba nkile khato ea pele litabeng tsa tlhopho-bocha ka litaba tsa poelano le khotso, ka lebaka lena mafapha a tšireletso a loke-

la ho sebetsa ka thata ho akofisa litaba tsena le ho li kenya tšebetsong kahar'a sechaba.

O re o lumela hore koetliso ena e tla tlisa litholoana tse ntle kahar'a mafaphana, ba tsamaisoe ke melao ho hlomphe Litokelo tsa Mantlha tsa Botho le ho loanela khotso kahar'a sechaba, hore ha ba bona

sechaba se phelisanang ka khotso le bonngoe.

Moemeli oa AU-DPAPS



Litsi tsa Tšireletso ba bone libaka tsa khotso tse re-retsoeng ho ba sireletsa.

Letona la Toka le Molao Mohlomphehi Richard Ramoetsi, o bontšitse hore ba morerong o matla oa ho akofisa tšebetso ea naha litabeng tsa tlhopho-bocha molemong oa naha e nang le khotso le

Dr John Ikubaja, o itse Litsi tsa Tšireletso li lokela ho sebetsana le moralo ona ba ipapisitse le meralo ea naha le boemo ba naha, hore sechaba se phele ka khotso. A re ba t'lo thusa ho kenya leano la khotso le poelano tšebetsong, ho tlisa khotso ea moshoelella le botsitso ba linaha tsa Afrika.

RE TŠEHETSA BACHA

Tšeliso Thakholi

Matsatsing a morao tjena batho bacha ba ikakhetse ka setotsoana mekhoeng e fapakaneng ea temo, ka morero oa ho fenya tlala, bofuma le tlhokahalo ea mesebetsi. Ba hlahisa meroho, leruo la linotši, leruo la likhomo tsa lebese, meutloanyana le likolobe ka bo-mong le ka boikopanyo, empa seo bohola bacha ba llang ka sona, ke tšehetso ea lichelete e le ho atlehisa likhoebo tsa bona. Har'a bacha bana ba ikakhetseng ka setotsoana litabeng tsa temo-khoebo ke mocha eo e bileng e leng moithuti oa selemo sa ho qetela ka Sekolong sa Mesebetsi ea Matsoho sa Fokothi, Liteboho Lejone.

Rakhoebo enoa ea ntse a le monyenyanane haholo lilemong, o hlahetse Ha Makhalanyane tikolohong ea Thaba-Bosiu, 'me eena ke mohlahisi oa meroho ka mefuta, o rekisa poone le lithaka tse sitsoeng bakeng sa liphoofolo. Hara tse ling tsa lintho tseo a li etsang ke ho hlahisa lijo tsa liphoofolo ka bongata le ho sila lithaka. Ho fihlela hajoale khoebo ena ea hae e se e e-na le lilemo tse tharo, 'me e bonahala e hola ka potlako e bile e sebetsa ka tsela e babatsehang haesale e thehoa. Lejone o re: Ke 'nete ke ntse ke le moithuti, ka hoo ke taba e utloahalang hore ke



sebetsa ka thata hoo lihora tsa ka tsa boroko, li fokolang ha li bapisoa le tsa batho ba bang. Khoebo ena ea ka e sebeletsa Ha Makhoathi kantle ho toropo e kholo ea Maseru.

Tšusumetso

Se ileng sa ntšusumetso hore ke rate khoebo ea temo le ho kena ho eona, ke ntse ke le moithuti tjena, ebile ke ntse ke le tlase lilemong ke hore 'na ha ke batle ka pelo eohle ea ka ho hiroa. Kannete ke utloa ho le thata ho 'na ho hiroa feela ke hlahletsoe ka litsebo tsa temo. E ka mpa ea eba 'na ea hirang e seng ea

hiroang. Ntlha e 'ngoe e kholo ke hore temo haesale e le ntho e teng ka lapeng. Ka fihla ka nyanya ona masutsa ao feela ho latela litsebo tseo ke ileng ka li fua ha ke ntse ke le ka Sekolong se Seholo sa Temo, ka e fetola hore ebe temo e phelisang re se ke ra hlahisetsa ho ja feela. Ntlha ea ho qetela e ileng ea nthatisa temo ke ho loantša tlhokahalo ea mesebetsi e teng kahare ho naha.

Likatlheho

Ka lilemo tsena tse tharo tseo ke qalileng temo-khoebo ea tlhahiso ea meroho le lijo

tsoa liphoofolo, sechaba sa Basotho se re tšehelitse haholo hoba se reka moroho oa rona ka bo-mong, ka mekhetlo le bahoebi b'a reka.

Liqholotso

Har'a liqholotso tseo ke kopanang le tsona ke le sehoai ebile ke le rakhoebo ke ho nyolla tlhahiso, e le hore ke se ke ka rekisa Maseru feela empa ke anele naha ka bophara. Ho khaoha ha motlakase khafetsa ho ama tšebetso ea rona hoba o khaoha nako e telele, 'me ka nqena bareki ba batla lijo tsa liphoofolo, eba re tla lieha ho ba thusa hoo ka nako e 'ngoe ba eeng

ba qetelle ba rekile libakeng tse ling. Bareki ba bang ba nkang ka mokitlane ba lieha ho lefa.

Keletso ho bacha

Ke rata ho eletsa bacha hore ha ba batla ho kena khoebong ba lokela ho ba le maikemisetso hobane ha se ntho e bobebe. Ke khotaletsa haholo hore bacha ba ikopanye ka litsebo tseo ba nang le tsona, 'me ba ithehele mekhatlo ba e holise ho latela litsebo tsa bona. Bacha ha re itšoareleng ka matsoho, 'me re se re bone hore 'muso oa habo rona ka kopanelo le BEDCO o qalile ho re tšehetsa ka ntho e bitsoang Sebatatso le hoja ho e-s'o lekane. Khoebong ena ea ka ke sebetsa le bacha ba tšeletseng, 'me ha re felle tlhahisong ea meroho le lijo tsa liphoofolo feela, isao re tliro rua likhomo le lipoli tsa lebese.

Listen To Us Here



92.6 FM
bokamoso

Mafeteng
Mohale's Hoek
Qach's Nek
Quthing



94 FM
bokamoso

Maseru
Berea
Leribe



98.2 FM
bokamoso

Mokhotlong
Thaba Tseka
Butha Buthe

www.bokamoso974.co.za

IEC e tsoma tokomane

Nthabeleng Seitlheko

Komisi e Ike-metseng ea Likhetho IEC e hlahile kapel'a Komiti e alositseng Tšebeliso ea Lichelete tsa Sechaba (PAC) kamor'a ho ngolla komiti eo hore e kene lipakeng ho fumana tokomane ea eona ea tšebeliso ea mobu le moaho eo e o rekileng Maseru West. Tsena li bile ka la 2 Tšitoe monongoaha.

Mookameli oa Likhetho Adv. Mphaiphele Maqutu, o itse kamor'a ho lefella moaho ona M77Millione e lokele ebe ba ile ba fuoa tokomane eo le ho ba le littaleho tse joalo libukeng tsa bona. Empa o re kamor'a ho reka moaho ona ka Lekala la Lichelete ho bonahala ho na le qaka ea hore ba fumantšoe tokomane eo ea mobu. O re ha ba hloke ho hlaha libukeng life kapa life ba le tšebetso e bohlasoa kapa ba hlaha chelete e joa-



lo ho sa tsejoe e hore na e hokae empa e le khale ba e sebelisitse ka nepo.

Mookameli oa Mobu, 'Masebele Mphonye, o re kamor'a ho rekoa ha moaho

oo ofisi ea habo e ile ea laeloa ke Lekhotla la Matona ho tekenela moaho o joalo e bile le supa hore IEC e tla sebeletsa moahong oo le lefapha la tšireletso. A re leha

ho le joalo ba leetong la ho sebetsana le tokomane ea tumellano ea tšebeliso ea mobu, eo e leng ea 'muso.

Molula-Setulo oa PAC, 'Machabana Lemphane

Letsie, ka komiti ea habo ba laetse bao ho sebetsa taba ena kaha ho le molemong oa sechaba hore ho tsebahale na moaho oo ke oa IEC kapa che.

'Muso o koala maparamente molomo

Nthabeleng Seitlheko

Moetapele oa Lekhotla la Puso ea Sechaba (DC) Mathibeli Mokhothu, o re 'Muso oa Lesotho o koetse paramente hobane o tšaba ha ba phenyekolla tlaleho ea lichelete ea bohareng ba selemo sa 2024. O boletse tsena 'mokeng oa bo-ralitaba oa la 2 Tšitoe monongoaha.

O re seo ba se hlokometseng ke hore ba sebelisitse maqheka a ho koala paramente nako e sa

boleloang ho ea lokisetsa ho etsa tlaleho ea lichelete ea selemo sa 2025-26, e tla ba ka Hlakola 2025, ha paramente e buloa. A re ho tlo ba thata ho bona e le maparamente ho abela makala chelete kaha ba sa tsebe hore a sebelitse joang bohareng ba tlaleho ea tšebeliso ea lichelete.

O re hona ke maqheka a reretsoeng ho roka sechaba mahlo a nyekoa joalokaha eka 'muso oa sebetsa ho se joalo. O re ka toka tlaleho ea bohareng ea lichelete e loketse hore e fetisitsoe ka khoeli ea Loetse monongoaha, empa ea fetisoa e se e feletsoe ke nako.

O supile ha ketsahalo ena e ka 'na ea sebelisoa e le leqheka la puso e teng ho felisa tlaleho ea tšebeliso ea lichelete ea bohareng ba selemo 'me seo se nyenyefatsa tšebetso ea paramente kaha ba lokela ho sebetsa ka matla litabeng tse amang sechaba.

O supile ha se makatsang e le hore 'muso ha oa hlalosa hore M712Millione e sebelitsoeng ho tlatsetsa mesebetsi e meng e latiloe makaleng afe. O itse ho bohlokoa hore matona a sa sebelisang chelete makaleng a ona, a hlabisoe thoto ka monkhoane hobane a hlotsoe ke mosebetsi. A re ho bonahala puso ena e hometsoe ke bobolu kabong ea mesebetsi kaha mesebetsi e ajoa sepolitiki ho sa natsoe hore na batho ba sebelitse joang lipotsong, ka hoo ba tsoile tlaase leano la bona la ho hira ka ponaletso e leng leo ba neng ba iketa ka lona.

O itse ba ile ba sebetsa ka thata ho loanela hore 'muso o fetise molao o sireletsang hore matona le maparamente a se ke a hoeba le 'muso empa ba o hana, e leng se bontšang hore ba sireletsa bobolu, hobane ona matona a hoeba le 'muso.

A re hona ke ho se hlomphe molao le tsamaiso ea puso e hloekileng, hape ho feta moo tlalehong ena ea bohareng ea lichelete ho

tlalehiloe linyeoe tse 220 tse amahangoang le bobolu.

O tsoetsepele hore tlhopho-bocha e bonahala e faretse kaha e hloka palo ea bobeli borarong (2/3) le potso sechabeng, empa ha ho sa na nko ho tsoa lemina, le hoja ba ile ba sebetsa taba ena ka thata ba le tlasa khatello ba bolelloa hore 'muso o ea 'mokeng oa SADC ho ea fana ka tlaleho. O re ba iphumana ba hlaha ba se na boikemisetsa ba ho sebetsa litaba tsa tlhopho-bocha ba khannoa ke SADC, 'me tello ke hore ha ho qetoa ho fetisoa setšoantšo sa molao sa 10 paramente e kenehang ho sa 11 empa ho sebetsa ka bohloaso hoo tlhopho-bocha e fetotsoeng koko e tšosang Basotho empa 'muso o se na boikemisetsa ba ho sebetsana le eona.

O bontšitse ngongoreho ho muso o haelloang ke boitlamo le boitsoaro litabeng tsa tlhopho-bocha, hoo ba qetelletseng ba koaloa ka ntšoe li sa fohloa tjena, hobane maparamente a bona a ne a lofa mesebetsi oa bona, a sebetsana le likhoebo tsa bona.

A re Tona-Kholo o belaela a sa fihlela le matsatsi a 15 a ea tulong ea paramente, ha fumanehe ha ho etsoa litaba tsa bohlokoa paramenteng, tse bileng li mo hloakang. O re ho bonahala ba nkile paramente e se ntho ea bohlokoa, kaha a

hata butle ha ea a e lebile.

Mongoli e Moholo oa DC Tšitso Cheba, o re ka nako tse ling ba iphumana ba fokola ka palo ka paramenteng, hobane mosebetsi o etsoang ke 'muso ha o etsoe, 'me ea alosang tšebetso ea maparamente a ka pusong o hlotsoe ho a laola, kaha pele ho tulo ea paramente ho lokela ho letsoa tšepe kapa ba kototsoe hohle moo ba teng hore ba tsebe ho etsa mesebetsi oa sechaba.

A re lithahiso tse ngata le tsa hore ho etsoe molao bocha, li entsoe ke bohanyetsi ka matla kaha 'muso o bonahala o se na moralo oa tšebetso. O itse joaloka setho sa komiti ea tšebetso ea paramente eo Nthomeng Majara e leng setho sa eona, ba fumane hore batho ba lofang mesebetsi ke maparamente a Sethala sa Ntlafatso ea Moruo (RFP).

O phethetse ka hore 'muso o bonahala o se na nako ea litaba tsa sechaba, bohle ba shebana le mabaka a likhoebo tsa bona le ho etsa eka ba sebeletsa Basotho empa ho se joalo. A re tulong tse 'maloa Matona ha fumanehe a lula a le maetong nako eohle ha ba re letho ka litaba tseo ba lokelang ho li etsetsa sechaba.

A re ba lokela ho sebetsa 'moho ho fetola melao ea naha molemong oa Basotho e seng oa bona.



B'a sekisetsoa khirong

Nthabeleng Seitlheko

Mpeo Khrehloa ea lilemo li 24, ea nang le bokooa ba pono o re 'Muso oa Lesotho o lokela ho sebetsa ka matla ho bona bacha ba nang le bokooa ba fumana mesebetsi joaloka bohle ho se likhoqetsane kapa liphephetso tsa letho tse sitisang boikemelo ba bona. O bole-tse tsena, puisanong le Koranta, ka la 3 Tšitoe monongoha.

Khrehloa a bua a ipapisi-tse le bohlokoa ba letsatsi la Machaba la Batho ba nang le Bokooa, o itse bona ba ntse ba tobane le liphephetso tse matla joaloka ho otloa ke lebatama le holimo la tlhokahalo ea mesebetsi kaha ba sa hiroe leha ba kene sekolo hakaalo, 'moho tšekisetso le khethollo phanong ea litšebeletso.



"Pele motho a bona bokooa ka ho 'na o lokela ho bona motho, ea nang le boiphihlelo le litsebo joaloka bohle." Ke Khrehloa eo.

O re leha ho ka etsoa mesebetsi eohle sebakeng sa boipheliso ha ba hiroe ba ntse ba sekisetsoa e leng se ba amohang tokelo ea bona

ea ho iphelisa joaloka bacha bohle. A re libaka tse ikhethang tseo ba tsamaeang ho tsona e ntse e le qholotso hape le meaho e lokela ho lokisoa kaha seo se etsa hore ba sitoe ho lokoloha.

O bontšitse hore Letsatsi la Machaba la Batho ba nang le Bokooa, le etsa hlalimoloho ho batho ba nang le bokooa ho hopotsa batho hore bokooa bo teng, 'me motho a ka kopana le bona nako eohle, ho thusa hape ho phahamisa lerato la batho ba nang le bokooa hore ba tsebe ha ba bang, ba ka phela kaha letsatsi leo le ketekoa ka ho potoloha liter-ekeng.

O re ho boetse ho matlafatsa bahlokomeli le batsoali ba batho ba nang le bokooa hore batho ba nang le bokooa ba ka tseba ho iphelisa le ho matlafala joaloka mang le mang. A re ntho e kholo ke hore sechaba sa Basotho se tsebe hore ba-

tho ba nang le bokooa ke mahlatsipa a tlheketso e qalang ka tlung, e ba bolaeang maikutlong kaha lentsoe la bona le sa mameloe litabeng tsa malapa le tse ba amang.

Moeletsi oa Litaba tsa Batho ba nang le Bokooa tse kenyeletsang, Batho ba nang le Bokooa(LNFOD) Rabasotho Moeletsi, o hlalositse hore letsatsi lena le bohlokoa kaha ka selemo sa 1992 Mokhatlo oa Machaba (UN), o ile oa bona hore batho ba nang le bokooa ba lebetsoe. Hape a re ho boetse ho hlalisa mefokolo ea mebuso le ho beha pepeneneng tseo e seng e li fihletse ho kenyeletsa batho ba nang le bokooa kahar'a liqeto le ntlafalo ea bona.

A re ke nako e kholo eo ka eona 'muso o hetlang morao mesebetsi eohle eo o e fihletseng kholong le ntlafalolong ea bana ba nang le bokooa, 'me ha joale ba sa ba tsoere bothata litabeng tsa nyollo ea chelete e fuoang batho ba nang le bokooa khoeli le khoeli leng M600.00, e sa arabeleng litlhoko tsa bona. O re leha mafapha ohle a nyolleloa litsiane ho kenyeletsa le maqheku le maqhekoana selemong sa lichelete 'muso ha o re letho ka ntlafalo ea batho ba nang le bokooa.

O ipilelitse ho 'muso ho kenyeletsa batho ba nang le bokooa khubung ea meralo ea naha hore ba se sal-alo morao e le karolo ea ho arabala lipehelo tsa Ntšetsopele ea Moshoelella.

Monongoha Machaba a Kopaneng a totobalitse hore batho ba nang le bokooa ba tobane le mathata a maholo lefatšeng ka bophara, 'me Lesotho le phahame mae-mong a polokeho le tokelo ea batho ba nang le bokooa. Tlaleho e tsoang ho International Disability Alliance le UNICEF e bontša hore batho ba bangata ba nang le bokooa ba ntse ba tobane le ho se be le boiphihlelo bo lekaneng litabeng tsa thuto, bophelo bo botle le tšireletso ea molao.

Lipalo-palo litabeng tsa Batho ba nang le Bokooa lefatšeng ka bophara, li re 49% ea bana ba nang le bokooa ha ba qete Sekolo sa Mathomo. Ha 30% ea bana ba bangata ba nang le bokooa ba ntse ba le tlakotsing ea ho kena sekolo.

Ha 32% ea batho ba nang le bokooa e na le menyetla e tlase ea ho fihlela litšebeletso tsa bophelo bo botle, le ho fumana litlhare tsa bohlokoa. Menyetleng ea mesebetsi ho suptjoa ha lefatšeng, 80% ea batho ba nang le bokooa ba thulana le khethollo mosebetsing kapa ba se na mesebetsi.

Dreams e ketela letsatsi la HIV/AIDS

Nthabeleng Seitlheko

Mokhatlo o re-retsoeng ho matlafatsa boiketsetso ba bana ba banana le basali ba tlaase lilemong (Dreams) o ketekile Letsatsi la Lefatše la HIV/AIDS le lilemo tse 10 o thehiloe. Tsena li bile ka la 3 Tšitoe monongoha.

Morero ona o tšehetsoa ke PEPFAR, ka ho ntšetsapele boleng ba bophelo ba banana ba fetang 26,000 le basali ba banyenyane.

Mohokahanyi oa PEPFAR Christine Hooyman, o hlalositse hore ho ile ha tla tlhokomeleng ea bona ha ba ntse ba etsa boithuto le ho latela lipalo-palo tse phatlalalitsong ke Mokhatlo oa Lefatše oa UNAIDS hore bana ba banana le basali ba tlaase lilemong ba tlakotsing ea ho hloka litsebo ka litaba tsa boiketsetso.

Ho fihlela ha joale PEPFAR e tsetetse M1Billione ntlafalolong ea ngoana oa ngoanana le basali ba tlaase lilemong, 'me morero o moholo ke ho bona hore bana ba banana le basali ba tlaase lilemong ba tseba ho itšoarella ka matsoho e le ho itšireletsa khahlanong le mafu, litlhekafetso le liqholotso tse tlišoang ke bofuma.

Limpho Mokhesi, Dreams Ambassador, o lebohile bohle ba kenyang letsoho ho matlafatsa bana le basali ba banyenyane kaha ho tsetela

ho ngoana oa ngoanana e le ho matlafatsa bokamoso ba naha le lefatše.

A re bana ba banana le basali ba tlaase lilemong ba lokela ho ba matla, ba ikemele le ho matlafatsa bophelong ba bona ho hlo-la liqholotso tsohle tseo ba tobanang le tsona haholo lefu la HIV/AIDS. A re ke boikarabelo ba bacha ho

joalo ka nepo, ba boele ba itšoare hantle, ba boloke batho ba ba potileng ka ho etsa se nepahetseng.

Mookameli oa UNAIDS Lesotho Lebohlang Mothae, o re lipalo-palo li supa ha basali ba tlaase lilemong le bana ba banana ba le tlakotsing le litšoaretso-pheto li hlahella ka lipalo tse ngata ho bona. A re taba e

tsebang ho ikemela. O itse ho bohlokoa hore bana ba banana ba sireletsoe hona joale, 'me bokamoso ba bona bo aheloe lilemo tse 200 tse tlang.

Moemeli oa Naha ea Amerika Lesotho CDA Tom Hines, o itse ketekelo ena e etsahala nakong eo lefatše le ketekang matsatsi a 16 a ho nena tlhekafetso ea



hlalobela mafu le ho bona hore ba fumana bokamoso bo chabileng.

E mong oa bacha ba uneng molemo kahar'a Mokhatlo oa Dreams, Lerato Mosolloane, o itse o se a tseba ho itšoarella ka matsoho joalokaha ho ithehela mesebetsi ea boipheliso, hape o se a tseba ho ikemela 'me seo se mo etsa ngoanana ea nang le boitšepo, boitsebo le ho utloisisa hantle ka litaba tsa tšoaretso ea HIV/AIDS.

A re ba rutoa ka bohlokoa ba ho ipaballa khahlanong le lefu la HIV le hore bacha ba noang litlhare ba etse

bakang sena ke bofuma, lenyalo la bana ba tlaase lilemong le ho sitoa ho iphelisa hoo ba qetellang ba sebelisoa hampe.

O re bana ba banana ba lokela ho hola ba tseba ho iketsetsa chelete hore e se be mahlatsipa a mafu le ho sebelisoa hampe. A re mofuta ona oa merero o thusa haholo ho aha bokamoso bo chabileng ba bana ba banana le basali ba tlaase lilemong.

A re ha joale ha ba hloke ho bona lipalo tsa tšoaretso li ntse li phahama kahar'a naha, ba hloka sechaba se phetseng hantle le basali ba

basali le bana, ka hoo ho bohlokoa hore ba lule ba tšehetsa le ho tsetela kholong le ntlafalolong ea bana ba banana le basali ba tlaase lilemong.

O bontšitse hore ho loke-loa ho matlafatsoa matšolo a thuto joaloka litaba tsa tšebeliso ea PrEp hore bacha ba tlakotsing ea ho tšoaretsoa ke HIV/AIDS ba e sebelise ho itšireletsa khahlanong le lefu lena. Hape a re ho boetse ho thusa bana ba banana ho hola ba tseba ho iketsetsa, ba e-na le boikemelo ba bile ba tseba ho iphelisa haholo ho ithehela likhoebō.

Mofosi o fana ka tharollo



Tšeliso Thakholi

Letona la Temo, Kanetso ea Lijo le Phepo e Nepahetseng, Mohlomphehi Thabo Mofosi o fane ka karabo ka Ntlong ea Bakhethoa ba Sechaba eo lihoai tse ngata e sa leng li ingama-ngama ka eona ea ho fela ha lipeo le manyolo polokelong ea 'muso literekeng tsohle tsa naha, bakeng sa temo ea Lehlabula.

Mofosi o re ha ba kena pusong ka selemo sa 2022, ba fumane polokelo e omme ngo! "Ho se menontša, lipeo le lichefo tsa lehola." O boletse joalo a bile a eketsa ka hore polokelo e ne e e-na le lilemo tse balloang ho tse hlano ho se thepa.

Le hoja Mofosi a supa hore ha ba kena pusong ho ne ho se letho, o re ba ile ba ikeletsa ho reka lipeo tsa boleng bo holimo, tse arabelang maemo a pheto-phetoho ea boemo ba leholimo,

'me polokelo ea qalella ho ba teng e le ho khahlametisa lihoai tse phelang literekeng tse leshome tsa naha, le lihoai tse hlahisang lipeo tsa fuoa menyetla oa ho li rekisetsa 'muso ka Lekala la Temo.

O tsoelapele ho supa hore bothata boo ba ileng ba bo fumana ke hore litheko tsa thepa 'marakeng li ne li nyolloa haholo. A etsa mohlala ka hore Ton ea manyolo ha e rekisoa M8,000.00 ke mohlalisi e ne e hlaha e rekuoe ka M28,000.00, e leng phapang ea M20,000.00 Ton ka 'ngoe. "Taba ena e ile ea bakela naha bofutsana bo tšabehang."

E le ho qoba taba ena, o re 'muso ka Lekala la Temo o ile oa ikeletsa hore o reke lihlahisoa ho mohlalisi ka kotloloho, "me taba ena ea re thusa hore lenane la thepa le eketsehe ka sekhahla se holimo haholo se ileng sa re thusa hore lihoai li fumane thepa e ngata ka potlako le polokeho e be teng e le mokhoa o bonolo oa ho

atametsa thepa ho lihoai."

A bontša hore selemong sa bobeli ba kene pusong ho ile ha qala bosholu bo tšabehang ba manyolo le lipeo. A re boemo bona bo ile ba ba qobella ho matlafatsa marang-rang a polokeho ea thepa, "moo e reng ha re reka thepa, re fumantšoe mabitsa a sehoai, e le hore tšimo e le 'ngoe e se ka hlahella e rekile menontša ka mekotla e fetang bonngoe le hore re fumane bonnete ba hore tšimo e joalo e fela e lenngoe." O qeteletse ka ho kopa tsoarelo ka tšitiso ena ea tlhokahalo ea lipeo le manyolo, 'me a tiisa hore manyolo a qaleletse ho kena ka sekhahla kahar'a naha.

"Basotho ba tla fumana manyolo, 'me ba rekang mekotla ea manyolo a fokolang kapa ka bo-mong ba tla buleloa matsatsi ohle, ha e le ba lemang ka kopanelo ba tla hlophelo a latela setereke ka seng hore na ba tla fuoa matsatsi afe." Ke Mofosi eo.

Temo ea ka metsing

Nthabeleng Seitlheko

Letona la Temo le Kanetso ea Lijo le Phepo e Nepahetseng, Mohlomphehi Thabo Mofosi, o re naha ea Lesotho e lokela ho ba le leano la ntlafatso ea temo ea ka metsing ea leruo la litlhapi e le ho kenya letsoho nyollong ea moruo oa naha. O boletse tsena, 'mokeng oo lekala le ntseng le tšohla leano la ntlafatso ea temo ea metsing, ka la 3 Tšitoe monongoaha.

O re leano lena le matla kaha e le karolo ea mefuta ea temo e ka thusang tlhahisong ea mesebetsi, ea etsoa ke motho e mong le e mong le metsi a le teng. A re e ka matlafatsa hape litabeng tsa phepo e ntle le kholo ea bana e ntlafetseng hobane matsoai a fumanoang ho eona a matla.

Are ba nkile mohato o mohlolo oa ho fetola temo ea ka metsing ba shebile haholo lipehelo tsa ntšetsoepele ea

moshoelella tse tla thusa ho loantša phetoho ea boemo ba leholimo, tikoloho e lahlehetsong ke mobu le ho taboha ha mangope.

Linda Amorngor-Ojeette, o hlalositse hore kopano ea linaha tsa Afrika e ikemiselitse ho tla thusa ho ntlafatsa hore bophelo ba Basotho, moruo le temo li ntlafale. A re ke ha Basotho ba tseba ka bohlokoa ba temo ea ka metsing ba ka kenyang letsoho litabeng tsa ho fokotsa bofuma, tlhokahalo ea mesebetsi le phepo e fosa-hetseng ho masea.

Temo ea ka metsing e matla kaha e ka thusa hore e bang Lesotho le tsetela ho eona, le ka tseba ho fepa linaha tsa Afrika.

E mong oa Basotho ba sebetsang ka litlhapi, o re leruo la litlhapi le ata kapele, empa bothata bo teng kahar'a naha ke tšilafalo ea metsi e etsang hore liphoofole tse joalo li shoa ka bongata. O ke karolo e 'ngoe e ka hlahisang mesebetsi kaha ho se ho le motho ka mong hore na o e sebelisa joang.



Moeletsi oa Basotho
MOELETSI oa BASOTHO

@oaBasotho

WhatsApp +266 680 78 124

Moeletsi oa Basotho

To advertise with us, please contact:

Tell: (+266) 2835 0466

Email: advertsmoeletsoabasotho@gmail.com

1
Sesotho
Newspaper
in Lesotho

**U se u ka fumana
Lifela Tsa Bakriste
ho marangrang a
boletsoeng ka tlase.**



**"Get the Akello app on Play Store, App Store,
or Huawei App Gallery for Mazenod books
and more. Download now!"**

<https://library.akello.co/downloads>

akello
LIBRARY



Scan me

57396597

28 350 815

28 350 466


lesaoanat@gmail.com

sales@moeletsioabasotho.co.ls



MOB KIDDS EDUTAINMENT

Puzzle MOB 92-4564



Across


- 6 Pula e nang ha bobebe ntle le ho thoathoaretsa kapa lehalima, 'me e atisa ho nka matsatsi kapa ho feta ha e na. (6)
- 7 Ho ba mathe le leleme.(9)
- 8 Motho ea laolang a sebelisa litaola ho lepa mathata a batho. (8)
- 9 Nako ea hoseng eo ka eona khanya e qalang ho ba teng.(4)
- 12 Mafisoana a matle a ngoana morena (Selotho) (5)
- 13 Pula e nang hanyane.(11)
- 16 Linaleli tse tšeletseng tse bonahalang e ka ke lintja le likolobe. (8)
- 17 Fiela-fiela nkoko a tsoale (Selotho) (7)
- 19 Mahlohlojane a masesane a mobu a tsamaeang le moea.(6)
- 20 Sebaka se otliloeng ke lehalima. (12)
- 22 Ntja ea selomela kobong (Maele). (12)
- 23 Nako eo lefifi le aparelang naha ka eona 'me ho e-ba lefifi. (8)
- 24 Mohatsela. (6)
- 25 Baloi ba kakatana mohlakeng (Selotho) (6)
- 26 Letšoao le supang hore ho qotsoa litaba ho ea ka moo monga tsona a li boletseng. (5)
- 28 Khoeli eo ka eona Lehlabula le thoasang 'me bana ba bapala hore ba be baputsoa pululu! (10)
- 29 Lehahana la Raletsoai (Selotho) (6)
- 31 Papali ea banana e bapaloang ka majoe. (6)

Down

- 1 Sefefo sa moea, lialuma le lethoathoaretsa tse etelletseng pele sefefo.(11)
- 2 Naleli e bonoang li le sehlotšoana, 'me e bonahala ha selemo se sa tsoa thoasa. (8)
- 3 Lebese le mafura.(6)
- 4 Letšoao le supang pheletso ea polelo. (6)
- 5 Sehoete sa thoteng. (11)
- 10 Naleli ea pele ka phirimana. (12)
- 11 Boemo ba ho ba bohlokong ka lebaka la lefu. (6)
- 12 Papali ea bana moo teng ba thehang malapa.9(1)
- 14 Pula e nang ka sekhahla se sehlo sa moea. (6)

- 15 Letšoao le supang hore polelo e tsoela pele, khefutso kapa phetoho ea moelelo oa polelo. (8)
- 17 Pula e hoamisitsoeng ke mohatsela. (6)
- 18 Khoeli eo ka eona lipula tsa pele tsa selemo li nang ka eona.(6)
- 20 Nako eo ho chesang ka eona selemong. (9)
- 21 Naleli e khanyang ka ho fetisisa bosiu, 'me e na le tse e pota-potileng. (4)
- 22 Joala bo ritetsoeng ba Sesotho. (7)
- 27 Ngaka e laolang.(6)
- 30 Banna ba sa beheng melamu fatše (Selotho). (6)

SOLUTION MOB 92-4464





TSA KEREKE

Mesebetsi ea ASEC



Batlami ba neng ba apesoa Sekolong se Seholo sa Sechaba (NUL) ba ile ba leboheloa ke mofani oa bona e leng ASEC. Baitlami ba neng ba leboheloa e ne le Sr. Julia Nkunyane ea ithutetseng Bachelor of Arts in Spiritual Care and Counselling, Sr. Regina Ntisa ea ithutetseng Bachelor of Library and Information Studies ba Kopano ea Baitlami ba Mabitso a Halalelang a Jesu le Maria le Sr. Julia Morapeli ea ithutetseng Health Science EMS ba Baitlami ba Molisa ea Molemo. Tsena li etsahetse, Emmanuel Hostel, Maseru, ka la 29 Pulungoana 2024.

Mokete o na o ile oa qala ka Sehlabelo se Halalelang sa 'Misa se neng se etelet-

soepele ke Fr. William Pae-pae. Mokete ona o ile oa tlotlisoa ka boteng ba Mongoli oa NUL ho netefatsa selekane sa NUL le ASEC. O ile a leboha boteng ba baitlami bana sekolong hobane bo file sekolo seriti, hape baitlami bana ba thusa baithuti ka boitsoaro.

ASEC ke mokhatlo o ileng oa theoa ka letlole la Monghali Hilton Concord oa Amerika ka sepheo sa hore kamor'a lefu la hae baitlami ba basali ba tle ba fuae lefa la hae ka ho ea ithuta likolong e le ho ntlafatsa litsebo tsa bona e le hore mesebetsi oa bona oa boapostola o tle o tsebe ho arabela lithoko.

ASEC-HESA Lesotho e fihlile ka selemo sa 2017 moo batlami ba qalileng ho ithuta le eona boemong ba

HESA-Higher Education for Sisters in Africa e qaling ka baitlami bana; Sr. Mary Matobo, Sr. Albertina Nkunya-ne, Sr. Alphoncina Mosala le Sr. Lucia K'hehlane ea ileng a hlokahala, 'me bona ba ne ba e-tsoa kopanong tse fapakaneng eaba ba phethela lithuto ka selemo sa 2021.

Sepheo se seng sa mokete e ne e le ho amohe-la Sr. 'Mamkotjo Francina Mokoteli e le Mookameli e Mocha oa ASEC Lesotho ebile e le motho boraro ea tsamaisang ASEC kahar'a naha. Hape le ho leboha Sr. Anacletta Lempe ea neng a se a fumane thomo e ncha kopanong ea hae.

Sr. Julia Nkunyane



2024-2025 SELEMO C

Sontaha sa 2 sa Advente

Baruke 5,1-9

Pesalema 125

1 Ba-Filipi 1,3-6.8-11

Luka 3,4.6



Khothatso

Ba tsoa ho uena Jerusalema

Molaetsa o tsoang lithutong tsa kajeno o le tsebisa hore le lokela ho tsoelapele ho ithophela ho tla ha Kriste bophelong ba lona. Thuto ea pele eo e leng pina ea boprofeta e bua ka tšepiso ea Morena ho khutlisa sechaba sa hae kholehong. Joalokaha Mangolo a Halalelang a bolela Khosi Nebuzaradan o ile a isa Bajudi kholehong Babylona. (2 Likhosi 25:11; Jeremia 29:1-2)

Leha ho le joalo taba ena e tšoantša popo ea motho; ka ho se mamele ha batsoali ba rona ba pele Satane o ile a fetoha khosana ea lefatše. Ka sebe bohle ba ile ba shoa 'nqeng ea moea eaba ba sitoa ho bona khanya ea Molimo Ntate. Empa ka Mali a Kriste le lopolotsoe bokhobeng, hobane Kriste ka bo-eena o khutlisitse borena ba hae lefatšeng kamor'a ho etsoa Moren'a marena nakong eo a neng a kena Jerusalema. (Matheus 21:1-11)

Leha botho ba rona bo tletse sebe sa tlhaho, moea oa rona ona o'a halalela, 'me ka ona re fetohile barapeli ba 'nete ba tla khumamela Molimo Ntate ka 'nete hobane o hloka ba joalo. Molimo ke moea 'me bohle ba mo khumamelang ba lokela ho etsa joalo ka moea le 'nete. (Joannes 4:23-3)

Ka ho tseba hore metso ea rona e tsoa Jerusalema, ha re rapellaneng ka thabo eohle, 'me ka ho ba le kabelo Lentsoeng la Morena re bile re le lisebelisoa tsa Moea o Halalelang re be le tšepo ea hore o tla phethahatsa mesebetsi ea Kriste pele ho bofelo ba lefatše. Evangeling ea kajeno le utloa mantsoe a Joannes Mohlatsoi, "Lokisang litsela tsa Morena, otlolang me-bila..." mantsoe ana a tšoana le a hlahang Thutong ea Pele 'me a bontša sechaba hore se lokela ho itokiset-sa ho tsoa bokhobeng hobane pholoho ea Morena e haufi. Joalokaha bohle re tseba mantsoe ana a phethahetse ka lefu, Tsoho le Nyollole ea Kriste Leholimong la Molimo Ntate.

Bekeng ena bohle bohle ha re khutleleng morao re nahane ka bo-ntat'a rona tumelong, bahalaleli ba tsoileng Jerusalema e le hore re tle re ithabele ka Molaetsa o Molemo oa Kriste. Ha re inahaneng ka molaetsa oa bona o fetohileng oa rona, re ipotse hore na re itokisitse ho lekana ho tla keteka ho tla ha Morena ka nako ea Keresemese. Re lokile ho lekana ho hlaha kapel'a Morena haeba lefu le ka re khaoletsa? Haeba lefatše le ne le ka fela ha joale 'me Kriste a khutla ho tla ahlola bohle, ana re malala-a-laotsoe?

Kaofela ha rona ho ea ka lithoko tsa e mong le e mong tsa moea, re shebe methati eohle e lokelang boithopho bo nepahetseng ba ho tla ha letlotlo la Morena ka tsela efe kapa efe, re ntse re hopotse boikokobetso le bosebeletsi ka linako tsohle.

Bahalaleli har'a Beke

- | | |
|-----------|----------------|
| 9 Tšitoe | Budoc |
| 10 Tšitoe | Mennas |
| 11 Tšitoe | Pens |
| 12 Tšitoe | Abra |
| 13 Tšitoe | Elizabeth Rose |
| 14 Tšitoe | Drusus |

O hlalosa katleho ea hae



hantle, e le ho sebetsa ka thata ka linako tsohle “kaha re sa tsebe hore na re shebeletsoe ke bo-mang kante ho lebala, ‘me nako ena kaofela ha re e tla lipapaling re tlameha ho sebetsa ka boitelo molemong oa sehlopha sa rona.”

A tiisa hore ho sebetsa ka thata ha hae kamehla ha ho tlietse eena e le motho katleho, empa le sehlopha sa habo kaha se ntlafalitse maemo a sona lokong ea lihlopha tsa mokhahlelo o tlase. O boetse a bontša hore seo a se laba-labelang ke ho bona sehlopha sa habo sa Villa Ladies se bapala lihlopheng tsa Liki e Kholo. A qetella ka hore o rata ka pelo eohle ea hae ho tsoelapele ka talenta ena ea hae empa a ntse a ntšetsapele lithuto tsa hae.

Tšeliso Thakholi

koetlisi ba ka.” A rialo. O tsoelapele ho hlalosa hore tšebetso ena ea hae e ntle eo a e entseng papaling ea bona le LUFC, ha

se ea hae a le mong empa ke ka ho sebetsa ‘moho le libapali tse ling tsa habo le ka tataiso ea mokoetlisi oa bona Monghali Rethabile

Tekane ea tsejoang haholo selika-likoeng sa bolo ea maoto ka lebitso la ‘Karata.’ A sibolla lekunutu la hae la katleho ea ho bapala

Khalala ea Sehlopha sa Bolo ea Maoto sa Villa Ladies, Tholoana Tšoaeli ‘jersey no. 7’ o re joaloka sebakali se seng le se seng se ntseng se hola, toro ea hae ke ho ipona a bapalla sehlopha sa Kick4Life Ladies le ho bapala linaheng tse kante ho naha. O buile tsena kamora tšebetso ea hae e tsoileng matsoho ea ho hlaba lintlha tse ‘ne khahlanong le LUFC, papaling e neng e tloa lithase Lebaleng la Malakabe, Mazenod ka la 30 Pulungoana moo ba hlotseng papali eo ka 4-1, e leng ntlha ea matšelisano e ileng ea hlajoa ke Reitumetse Chobokoane.

O re lerato leo a le ratang bolo ea maoto le ho sebetsa ka thata ka linako tsohle ke tsona tseo katleho ea hae e kollang ho tsona. Ka ho khetholoha o re bakoetlisi ba hae ba bapala karolo ea bohlokoa mabapi le ho holisa le ho matlafatsa talenta ea hae ea bolo ea maoto. Mohlaba-lintlha enoa ea hloahloa oa Villa Ladies o re ho tloha khale h’a qala ho bapala bolo ea maoto, o ne a ntse a hlokometse hore ke papali e ka matlafatsang bokamoso ba hae. “E tla nthusisa haholo bophelong ba ka, etsoe morero oa ka ke ho e holisa ka thuso le tšebetso ea batsoali le ba-

E kopana le pela li falla

Tšeliso Thakholi

Kamor’a hore sehlopha sa Berea Ladies se khutlele hae TY tšiba ho lla tse ka mahafing, papaling ea Liki ea Bolo ea Maoto ea Basali (Women Super League), e bileng Lebaleng la Boema-fofane ba Sesole ba Mejametallana, Maseru ka la 1 Tšitoe monongoaha, mokoetlisi oa sehlopha sa Berea Ladies, Monghali Lehloenyane Nkhasi o re ho tsoa kotsi ha sethibathibane sa bona se hloahloa e leng Liteboho Tjobe ke le leng la mabaka a ba hlolisitseng ho hapa papali ea bona khahlanong le FC Stoko kaha boholo ba boitokisetso ba papali ea bona ba ne ba e ralile ho tloha ka eena.

Monghali Nkhasi o itse kaha Tjobe o ne a sa tsoa khutla kamora ho ba ka thoko ho sehlopha nako e telele ka lebaka la ho tsoa likotsi, ba ne ba e-na le tšepo ea hore boteng ba hae ba tliilo sebetsa hantle haholo kaha hajoale e sa ntse e le eena sethibathibane se hloahloa se bileng se nang

le boiphihlelo. Ka hona ba ne ba thabile haholo h’a boetse a khutlile hape. A re boteng ba hae bo ne bo ile ba tlatsa libapali morolo le tumelo e kholo ea hore ba tliilo hapa papali.

“Re ne re tšepile hore o teng, ‘me sena se tlatsitse libapali ka matla kaha bosieong ba hae nakong ea ho feta re ne re se re hlabiloeng lintlha tse tharo. Sena se bolela hore re lokela ho lokisa le lefapha leo la lithibathibane ka Pherekhong, hoba hang ha qala a eba sieo re ba le qholotso e kholo.” O boletse joalo a bile a

eketsa ka hore lintlha tseo ba li hlabiloeng ke FC Stoko ke ka liphoso tsa libapali ka bo-nngoe, kaha haele sehlopha ba sebelitse hantle ho latela meralo ea bona e mpile ea e-ba bomalimabe ba ho hloloa ho sebelisa menyetla e mengata eo ba ileng ba e fumana.

A re tahlehelo ena ke sesupo sa hore o tlameha ho ea lokisa sebakali ka ‘ngoe, “hoba lintlha tseo re li hlabiloeng ha se tseo re ka reng ke tse sebelitsoeng ke FC Stoko, empa li bakiloe ke tse ling tsa liphoso tsa libapali tsa rona. Haele sehlo-

pha ka kakaretso re sebelitse hantle ho latela moralo oa rona.” O boletse joalo.

A supa hore thomo ea matlha eo ba e filoeng monongoaha ke hore ba bapale hantle ho feta ngoahola joalokaha ba phethetse liki ba le boemong ba bone lokong. A tiisa hore sena ha se ho bolela hore o lokela ho beha libapali tlasa khatello, empa ba itokisetse papali ka ‘ngoe kaha ba batla ho ntlafatsa ho feta ngoahola. “Re batla ho ba mae-mong a boraro kapa a bone lokong selemong sena.” Ke Nkhasi eo.



Merusu e ama U17-AFCON

Tšeliso Thakholi

Lithholisoano tsa ba lilemo li ka tlase ho 17, tse neng li loke-la ho ba Naheng ea Mozambique ho tloha ka la 4 ho isa la 13 Tšitoe monongoaha, li se li tl'o tsoareloa Johannesburg, Afrika Boroa ka lebaka la maemo a hloabaetsang a bakiloeng ke merusu ea lipolotiki e teng naheng eo.

Sehlopha sa Naha sa ba lilemo li 17 sa Bahlabani ha se mokhelo lithholisoanong tsena, kaha se hara linaha tse 12 tsa tikoloho ea Afrika, tse kenetseng lithholisoano tsa Mohope oa U17-AFCON. Se panoe Sehlopheng sa Pele(Group A) le linaha tsa Angola, Mozambique le Malawi. Athe Sehlopheng sa B ke Zimbabwe, Eswatini, Zambia le Namibia. Ha Sehlopheng sa C e le Comoros, South Africa, Botswana le Mauritius.

Ke naha e le 'ngoe ho tsoa sehlopheng ka seng e tlang ho finyella mokhahlelong oa seka-makhaola khang ka la 11 Tšitoe ha makhaola khang a tla ba ka la 13 Tšitoe 2024. E bang ka la 4 Tšitoe mokoetlisi oa Bahlabani Sidwell Mothea a ka hapa papali khahlanong le Angola e nang le ho ba

lenyokonyane o tliio theosetsa feela, kaha a e na le monyetla oa ho iphetela ha bobele ho Mozambique ka la 6 Tšitoe 'me a qetelle ka ho kokotela sepekere sa ho qetela ho Malawi ka la 8 Tšitoe, a ntan'o fetela ho seka-makhaola khang a Mohope ona.

Leha ho le joalo, tebello a kholo ea barati le batšehetsi ba bolo ke hore Bahlabani

e ke e ba hlakole meokho le ho ba thabisa ka ho ba tlela le tlhoho kaha ba e-na le boiphihlelo le matla a lekaneng a hore ba ka betana le sehlopha sefe kapa sefe ha feela e le ba lilemo tsa bona.

Hara bahlankana ba Bahlabani ba qalang ho bapalla sehlopha ke Skhosana Mamamathela ho tsoa Talent Development Scheme

Seterekeng sa Mokhotlong le Motšeleli Liphoto ho hlahisa Sehlopheng sa Hunters. Ho feta mona sehlopha se il'o e hlanaka ho tlela Basotho tlhoho se bopiloee ka tsela e latelang: lithibathibane ke Rethabile Hatasi le Bataung Moleli.

Ba bapalang ka morao ke Setsoto Lepheana, Masupha Seeta, Lebohlang Ramalitse, Manama Hlojeng

le Pabatso Motati, moleng o hare ke Thuto Khetsi, Lekanyane Kalache, Leseli Makoe, Lechesa Makhupane, Realebaha Tsemame, Kananelo Patala, Tebello Hlohlongoane, Mathealira Mohale le Motšeleli Liphoto. Haele bahlaba-lintlha bona ke Fisane Leanya, Skhosana Mamamathela, Rethabile Nqoko le Morena Masithela.



E tetebetsa Mzamane

Tšeliso Thakholi

Mathata a tjametsoeng ke Sehlopha sa Bolo ea Maoto sa Mzamane sa Setereke sa Mokhotlong, se sa tsoa kena Liking ea Lihlopha tse Kholo a ile a hlahella poaneng nakong eo lipapali tsa pele tsa mokhahlelo oa bobeli, li neng li simolla Lebaleng la Ha Ratjomose, Maseru ka la 1 Tšitoe 2024.

Papali ea pele e neng e shebiloe ka mahlo a mafubeli ke e neng e le lipakeng tsa sehlopha sa Mzamane le Machokha, moo Machokha e ileng ea eket-sa mathata le litsietsi tsa Mzamane ka ho e sasara ka thupa e bohloko ea 1-0. Papali e qalile ka sekhhahla se sehlo hara mochoso o neng o ntsa koena bolibeng, 'me lihlopha ka bobeli li ne li sebelisa libapali tse nang le boiphihlelo tse neng li bapala ka boitelo.

Mzamane e bile le monyetla e mengata ea ho



hlaba lintlha, empa mola o hare oa Machokha o ile oa sebetsa ka thata ho sokolisa Mzamane ho hlaba lintlha 'me papali ea fela e ntse e le 1-0. Sena sa etsa hore Mzamane e 'ne e tsoelepele

ka ho tetebela boemong ba ho qetela ba loko ka ho bapala lipapali tse leshome, ea lahleheloe ke tsona kaofela 'me ha e na letho ka moko-tleng.

Papali ea bobeli ea letsat-

si leo ke e neng e le lipakeng tsa Sehlopha sa Tlhabollo ea Batšoarua (LCS) le

ho e ketsa lintlha-khoho tsa eona hore li be 13 kamora ho bapala lipapali tse robeli.

Ho ea ka mokoetlisi oa sehlopha sa Mzamane se bonahalang se le tlokotsing e kholo, Sidwell Mothea ba etsa sohle se matleng a bona ho itokisetsa papali e 'ngoe le e 'ngoe eo ba tliio e bapala, empa ho bonahala mathata a bona a ntse a e hloa manolo holimo. A bontša hore ha ba lahleheloe ke lipapali hobane ba e na le libapali tse se nang boiphihlelo empa ba hloka libapali tse seng kae tse seng li tseba lebatama la Premier League, ho tla thusa sehlopha kaha boholo ba libapali tseo ba bapalang ka tsona e le tse qalang ho bapala Liking e Kholo. A re ka Pherekhong ha festere e buloa ea ho fumana libapali, ba ka lakatsa ho fumana libapali tse peli kapa tse tharo tseo ba ka tsebang ho matlafatsa sehlopha, e le ho se thusa ho baleha ho tla rathoa ke selepe. A qetella ka ho bontša hore ha ba e-s'o lahle tšepo kaha morero oa bona ke ho sebeletsa hore Mzamane e se ke ea tsoa lihlopheng tse kholo ha selemo sa lipapali se fihla pheletsong ka Motšeanong isao.

Limkokwing University (LU), e neng e ile ea e ba pale e tsoellang pele kaha LCS e ileng ea e hlohlora ka thupa ea 3-0, ho etsa hore e 'ne e sale e bolokile maemo a eona a bo robong lokong ka